

民國史料叢刊

807

張研 孫燕京 主編

史地・地理

東北視察記

 大象出版社

民國史料叢刊

807

張研 孫燕京 主編

史地·地理

東北視察記



大象出版社

何西亞著

東北視察記

緒言

記者此次出關旅行，歷時僅及兩旬，屢痕未逮十城，爲期至暫，爲地至隘，宜無若何效益。良以東北之廣大，形勢之重要，與關係之繁複，苟無充分準備，經歷相當歲月，殊不足以言遊覽，況覘訪乎？記者此行，實走馬看花之不若，自尤無當於考察。雖然，古人有言：夫終日見花者或至不見一花，而與花相遠者反易聞香驚豔。三省爲記者從未蒞臨之地，初次接目，感受較便；是以訪求偶有所獲，輒爲妄事撰寄，殆亦聞香破戒逢花折枝彷彿也。所記之稿，關於中日問題者居多，經已刊登時事新報十餘篇；而手冊留題心識概象之事項（內政，外交，軍事，經濟俱有），尙有十餘篇未及寫出。嗣館命促即應開灤煤礦之邀，乃匆遽入關參觀該礦，餘稿

遂更無暇紀述。迨南旋時，道出南京之翌晨，陡聞日軍攻佔東省，噩耗接漸返滬，擬將其餘中日問題稿件悉數整理發表。不意賑災消息過多，篇幅無餘，未由刊載，遂爾擱置。未幾，記者辭去該報編輯主任職務，爲生計所迫，奔走棲皇，無有寧時，於是寫述關外黨政軍財諸稿之念乃亦決計打消。故此書所有各篇，大都係就該報刊過者加以整理，而另再增入中日鐵道交涉，商租權問題，日鈔問題，日本殖民政策，中俄關係，東北外交方針諸篇，以各該問題關係特大，不容忽略也。及商請現代出書，稿既送去，偶想蛙鳴蟲吟之作，難免災梨禍棗之譏，且所紀諸事盡成黃花，若必出書，定多後悔；故留序未寫即離滬他往。昨日歸來，始知荷現代籌備印行，所費已屬不貲，剞劂就藏，出版在即，未便再言廢棄，不得已乃勉爲草此緒言以作小引。記者此行根觸頗多，亦將憑此一吐。用舉所有感想

拉雜書後，文字工拙所不計也。

(一)記者由東北入關，時當九月初旬，去瀋陽事變之日尚有兩週，去中村事件之發覺，亦有三日，故未能獲得充分材料。至日軍攻城之舉，事前雖略有所聞，但一因日方非常祕密，二因我方無懈可擊，日方莫可藉口，一般人咸鮮予注意。雖然，日侵東北，勢所必至，司馬之心，豈無跡象？記者在關外時之所聞所見，顯有足資徵信者：

甲 某晚，記者在瀋陽同澤俱樂部（爲東北邊防公署所設立之軍民業餘娛樂遊息之所）與軍政界三數人士雜談，咸云東北危機，迫如累卵，正不知日軍此時來犯，抑今夜惠臨？明日來犯，抑下月蒞止？亦許今夜上床，翌朝已天地變色？亦許此時圍坐聚談，一語

乙

未了而警耗已至！

記者至長春，訪市政籌備處處長周玉柄氏（報載周君自九一八事變後不肯附逆，爲敵所害，周君服官忠勤廉介，守正不阿，日人素畏之，此次殉難，必然慷慨就義罵賊赴死，翹首東望，歔歔弗已！）與談中日關係，氏曰：日人心目中何嘗有中華民國及其主權之存在，什麼治外法權，關稅自主，任爾高呼收回，悉皆置若罔聞，甚或故意笑傲，譏爲幻夢！……氏又謂余敢斷言，將來如我有一日與彼索還旅大兩地，則彼必傾國而來，悍然宣戰矣！……氏又言日人對東北早晚必用武力臨我，無可避免；惟不知今日明日抑下星期或來年耳。故吾人亟宜居安思危，先爲之戒，臨深履薄有備無患也。

丙

瀋陽一處，可分三大區域：一爲中國區域；一爲自關商埠；餘一則日本擅據之滿鐵佔用地是也。三地各有廣闊馬路，高大洋房，中國官紳置產，大抵以商埠區域爲多，崇甍巍樓，曲折迴環，經緯諸路，櫛比皆是，某午偕數友巡觀街市，過緯二路（？）湯玉麟私邸，重樓閨宇，朱窗碧戶，錦飾在望，雕績滿眼。一遼籍友人戟指罵曰：可憐爾俸爾祿，孰非民脂民膏？行見倭寇破關，勢至鵲巢鳩占，言已黯然！徐又曰：此宅建築費三十餘萬，在瀋應爲最優美之住宅。內居姬妾數人，男女僕役二十餘，餘屋則悉充熱河煙土儲藏之所。記者問以何謂鵲巢鳩占？答曰：遼瀋人民孰不知日軍旦晚必臨斯土，來而有不入據此等巨廈者，誠然鄒魯僕妾之幸；但甘泉先竭，直木先伐，如此華貴輪奐，豈不惹禍招殃？

獨惜一旦萬事瓦裂，索請歎泣已遲；哀我上國河山，那堪宿草悲風耳！語竟不禁相與咨嗟。

以上三種談說，雖如浮雲着空，閃爍無定，然一致認明日軍旦晚必來，殆已不容致疑。所以然者，東北日本軍民之橫暴，國人固無不知之，關外人士且身嘗目擊，因而人人有東三省事實上已亡國之感。加以外交失敗，國事日非，日方尋釁之舉，有如春波秋雲，層見叠出，亂離之民，憂患餘生，那得不有危巢幕燕之想！嗚呼！冰炭縱然無言，冷熱豈不自明耶？（本書殖民，日俄，及外交方針各章亦略有提及。）

（二）日人侵擾東北之舉，吾人稍一回顧，實屬擢髮難數。要而言之（甲）稱兵事件，（一）甲午中日之戰，（二）甲辰日俄之戰，（三）庚子拳亂之役，（四）辛亥革命之役，（五）防俄之役，（六）日俄廟街

事件之役，(七)直奉戰役，(八)郭松齡反奉之役，(九)易幟之役，(十)中俄之役，(十一)萬寶山案，(十二)中村事件：日軍於各役無不積極行動，希圖乘隙而入，(乙)暴行事件，(一)瑯春事件，(二)炸張事件，(三)萬寶山案，以及日軍警種種虐殺華人諸案（見懸案章內）無不悍然從事，罔顧一切。終於釀成今次九一八實行出兵侵佔東北之事件，吁嗟！礎潤知雨，月暈知風，日人對東北如此處心積慮，寢饋不忘，識者固早知其必有今日之暴舉也。(三)九一八事件，或謂係中村案件所造成，實則日人久存此心，中村案不過一導火線耳。日人因(一)欲實現其大陸政策，繁榮其所謂帝國勢力；(二)欲攫據海外華息，發展國內產業，稱霸太平洋，與美利堅爭雄；(三)防止赤色勢力東延與斯拉夫族南下；(四)防

止中國統一強盛；（五）擴張其本國軍備；（六）防維其帝國動搖崩潰；（七）解決過剩人口，重造經濟命運；以是垂涎我東北此一大肥嚙，已非伊朝夕，攫之之意，亦與時俱增。惟以礙於種種關係，形禁勢格，未遽下箸。今者，乘我（一）內亂之餘，關外大軍內調（石三友之變亂，平津吃緊，東北軍入關鎮壓者約十萬，）邊防空虛；（二）空前水災之後，民生凋敝，財用不繼；（三）竭力爭脫帝國主義者之束縛，要求國際間之自由平等——如關稅自主收回法權，收回租界，廢除不平條約等等運動與呼聲，——列強疑慮不安感情日趨疏淡。加以抗拒赤色國際，不與並存，益陷孤立；（四）世界經濟恐慌，列強咸謀自存，不願掀起戰爭；（五）歐洲問題其內在的嚴重性有加無減，均無過問東方局面；（六）

日人宣傳；（甲）中國政府無統治能力以致全國皆匪，東三省目就貧困，勢將赤化；（乙）中國盜匪充斥，日僑生命財產與其他外僑同一堪虞（丙）日本無土地野心，惟爲列強看守東方門戶，不得不斷然使地方安甯。各國蒙其蠱惑，深信不疑，以爲與其便宜赤俄，無甯造化日本；（七）日復宣稱列強如不加詳察，壓迫日本，則日本惟有與俄攜手，英美大懼；（八）英美法意荷葡在大洋以東各有殖民地及經濟的泉源，日每宣言一旦有事，盡可爲其搗亂破壞，以是各國均懷戒心，無敢櫻其鋒者；（九）赤俄五年計劃未成，不欲對外作戰；（十）國際軍縮會議來年將厲行減縮軍備案，發動在前，可以強硬主張增加兵實。日本軍閥，當不如中國軍閥之陋，早將種種關係看透得明明白白，前非時會，後無機緣，不於

此刻發動，尙待何時？查萬寶山案出現，彼即準備大舉進犯，直下長城；祇以我方隱忍，未遂其謀。然彼於接續又造成一朝鮮慘案，希圖高激我之暴怒，立刻向其報復，釀成戰爭，彼可師出有名，但亦爲我方用以柔克剛之法所消除。可恨彼尋衅求疵，不惜百計挑逗，及中村案件既起，竟至舉國咆哮，頓時陰霾迷離愁霧淒蔽，兩國國交，大有爲一人而破裂之勢。經我方一再遷就，允爲負責重查，形態似稍緩和，詎意不數日間，大隊暴軍猛轟而至，又不數日而佔盡三省矣！

(四)二十年來，國內軍閥依附日本而成強幹勢力者不乏其人，關外尤其，勢使然也。如奉派張作霖者，日方始終卽認爲係滿蒙政策中聯絡(利用)當地最高實力派以保障日方權益爲條件之方針下之產

物——換言之，日方允盡力助張達到內政上之目的，惟張之行動，須絕對尊重日方之意思。日方最初向張聲明絕無其他野心，不過保持得既權益而已。嗣張見日方居心叵測，顯師滅韓故智，而又不便明言，亦不易擺脫，乃不得不用敷衍手段，隱示抗拒，日方恨之刺骨，乃決設陷炸殺之，圖重造東北局面。彼時東北之危機，直至易幟統一爲止，時時有使版圖變色之虞。張學良既歸政中央，擁護統一，日人不得再挾持左右，逞欲誅求，啣甚，又謀一併剪除之。故張往來平遼，輒復紆迴途徑，行蹤絕秘，以防毒手。蓋日方以東三省爲私產，中國疆吏爲經紀，最忌統一，視若共產，最恨易幟，視若掩逃，此其所以必殺張氏父子也。加以張學良重用高紀毅，興辦東北省有鐵道，以抵制南滿路；開闢葫蘆

島，以與大連港競爭；五年之後，可制日人死命。更用朱光沐等北大派周旋英美人物，設東北文化社從事宣傳，以期吸引歐美資本，開發東北，使日人勢力日以削減。凡此種種，矮兄急得雙腳直跳，恨得火光迸裂，以此怨仇路狹，日演日深。甚至目高朱張學銘等爲反日健將，認張學良爲親美大王。記者在東北嘗聞一友入言：『某次與一日友談論時事，彼有一問甚奇，曰：張學良是否中國人？余曰，爾是否日本人？彼曰：日人皆信張爲米國人，而非中國籍。余曰何故？曰：因彼受米國教育太深，太相信米國人云云，致起一場無謂激辯。從可覘知日人恨張之深。迨九一八事變既起，聞日人有一口號，曰南倒蔣，北倒張，倒蔣何意姑不究，倒張目的不言可喻。張學良因抱不抵抗主義，坐失國土數千